



Broj: 02-05-7100-25.1/12
Sarajevo, 22.03.2012. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), člana 3. i 7. Odluke o osnivanju skupština kantonalnih javnih preduzeća čiji je osnivač Kanton Sarajevo ("Službene novine Kantona Sarajevo", br: 25/09 i 22/11) i Odluke o usklađivanju statusa Javnog preduzeća „Televizija Kantona Sarajevo“ sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br: 33/05, 30/08, 25/09, 22/11 i 3/12), Vlada Kantona Sarajevo, na **61.** sjednici održanoj **22.03.2012.** godine, donijela je sljedeći

ZAKLJUČAK

1. Daje se saglasnost na Prijedlog odluke o razrješenju predsjednika Skupštine Javnog preduzeća „Televizija Kantona Sarajevo“ d.o.o. Sarajevo, kojom se Faruk Borić razrješava dužnosti.
2. Predlaže se Skupštini Kantona Sarajevo da, u skladu sa Poslovnikom Skupštine Kantona Sarajevo, donese Odluku iz tačke 1. ovog zaključka.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. JU "Televizija Kantona Sarajevo" (putem Ministarstva pravde i uprave)
6. Razriješeni (putem Ministarstva pravde i uprave)
7. Evidencija
8. A r h i v a



web: <http://vlada.ks.gov.ba>
e-mail: premijer@ks.gov.ba;
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96 – Ispravka, 3/96 – Ispravka, 16/97, 14/00, 4/01 i 28/04), člana 7. Odluke o osnivanju skupština kantonalnih javnih preduzeća čiji je osnivač Kanton Sarajevo ("Službene novine Kantona Sarajevo", br: 25/09 i 22/11) i Odluke o usklađivanju statusa Javnog preduzeća „Televizija Kantona Sarajevo“ sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 33/05, 30/08, 25/09, 22/11 i 3/12) na prijedlog Ministarstva pravde i uprave, uz saglasnost Vlade Kantona Sarajevo, Skupština Kantona Sarajevo na _____sjednici održanoj _____ 2012. godine, donosi

PRIJEDLOG

O D L U K U

o potvrđivanju razrješenja predsjednika Skupštine Javnog preduzeća „Televizija Kantona Sarajevo“ d.o.o. Sarajevo

I

Ovom odlukom se razrješava dužnosti predsjednik Skupštine Javnog preduzeća „Televizija Kantona Sarajevo“ d.o.o. Sarajevo, Faruk Borić.

II

Predsjednik Skupštine Javnog preduzeća „Televizija Kantona Sarajevo“ d.o.o Sarajevo, iz tačke I ove odluke razrješava se zbog podnošenja ostavke.

III

Ova odluka stupa na snagu danom donošenja i objaviće se u "Službenim novinama Kantona Sarajevo".

**PREDSJEDAVAJUĆA
SKUPŠTINE KANTONA SARAJEVO**

Prof. dr. Mirjana Malić

PRILOZI

Zakon o ministarskim, vladinim i drugim imenovanjima u Federaciji BiH
(„Službene novine Federacije BiH“, br: 12/03 i 34/03)

Član 4. stav 2.

2.Nominacije/imenovanja za kraće razdoblje: ovo su nominacije ili imenovanja na najviše dva (2) mjeseca koja se ne mogu ponoviti i za koja ukupna naknada za cijelo razdoblje ne iznosi više od pet 5.000,00 KM.

ZAKON O VLADI KANTONA SARAJEVO

(„Službene novine Kantona Sarajevo“, broj: 24/03 – Prečišćeni tekst)

Član 22.

Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke.

Član 24. St.2.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Odluka o osnivanju skupština javnih preduzeća čiji je osnivač Kanton Sarajevo
(„Službene novine Kantona Sarajevo“, broj 25/09, 22/11)

Član 2.

(Skupštine KJP)

(Kompilirani tekst)

- (1)Svako KJP iz prethodnog člana ima skupštinu, koja se sastoji od predsjednika i **četiri** člana (u daljem tekstu: Skupština KJP).
- (2)Mandat članova Skupštine KJP je dvije godine.
- (3)Predsjednik i članovi Skupštine KJP imaju pravo na naknadu za svoj rad, koja se utvrđuje posebnom odlukom Vlade Kantona Sarajevo.

Član 3.

(Imenovanje predsjednika i članova Skupštine KJP)

- (1)Imenovanje predsjednika i članova Skupštine KJP vrši se na način da iste, na prijedlog resornog ministarstva, uz saglasnost Vlade Kantona Sarajevo, potvrđuje Skupština Kantona Sarajevo.

Član 7.

(Razrješenje predsjednika i članova Skupština KJP)

Razrješenje predsjednika i članova Skupština KJP vrši se na način propisan u članu 3. ove Odluke , a proceduru razrješenja mogu pokrenuti resorni ministar, Vlada Kantona Sarajevo i Skupština Kantona Sarajevo.

Član 10.

(Imenovanje vršilaca dužnosti predsjednika i članova skupština KJP)

Do konačnog imenovanja skupština KJP, Skupština Kantona Sarajevo imenuje vršioce dužnosti predsjednika i članova skupština KJP, na način da iste, na prijedlog resornog ministarstva, uz saglasnost Vlade Kantona Sarajevo, potvrđuje Skupština Kantona Sarajevo.

Bosna i Hercegovina

Federacija Bosne i Hercegovine

Vlada Kantona Sarajevo

Ministarstvo pravde i uprave Kantona Sarajevo

N/R ministrice Dijane Tabori



PREDMET: RAZRJEŠENJE DUŽNOSTI PREDSEDNIKA SKUPŠTINE JP „TELEVIZIJA KANTONA SARAJEVO“

OBRAZLOŽENJE: Poštovani, molim Vas da me razriješite dužnosti predsjednika Skupštine Javnog preduzeća „Televizija Kantona Sarajevo“. Ostavku podnosim iz ličnih razloga.

Faruk Borić
Br.l.k. 05880/1300

Sarajevo, 7.3.2012. g.